

---

Qatag'on qurbonlari xonadonlariga tashrif buyurildi

**31 avgust - Qatag'on qurbonlarini yod etish kuni. Ushbu sana hamda O'zbekiston Respublikasi mustaqilligining 32 yilligi bayrami munosabati bilan Farg'ona shahrilik Qatag'on qurbonlari yodga olindi.**

**1937 yilda qatag'on qurboni bo'lgan "Shodlik" mahallasilik Qodirmirzo Jahonov, yormozorlik Mo'ydinbek Dodhobekovlarning avlodlari bilan shahar hokimi Vosiljon Nazarov, sektor rahbarlari, faol nuroniylar uchrashdilar.**

**Mehmonlar oila a'zolari tomonidan afsus bilan yod olingan tarixning achchiq qismatini tingladilar. Qatag'on qurbonlarining avlodlari ota-onalardan eshitganlarini eslashib, bobolarining surgun qilinib, otilganidan so'ng ham qolgan oila a'zolari xo'rlangani, barcha mol-mulklari musodara qilingani, turmush kechirishlari yomonlashganini yod olishdi.**

**Shuningdek, suhbat davomida bugungi tinch, osoyishta zamonga shukronalik keltirildi. O'tganlar xotiralanib, qur'on tilovat qilindi. Oila uchun oziq-ovqat mahsulotlari berildi.**

2023-09-07 08:58:58